

Nuuk 3. juni 2026

Inatsisartut Inatsisinut Ataatsimiititaliaat
inatsisartut@inatsisartut.gl
Cc: maloha@ina.alla.gl

Asasara Inatsisinut Ataatsimiititaliaq

Transparency International Greenlandip (TIG) Inatsisartut UPA2026/139-mik suliarinninnerat assut soqutigalugu malinnaaffigaa:

Atorfimmi peqquserlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunneqarnissaanik matumalu aalajangiiffigisassatut siunnersuutip akuerineqarnerata kingunitsiannua tamatuma sulissutigineqalernissaa aallartinneqaqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.

Tamatuma saniatigut Naalakkersuisut akissuteqaamminni allannguutissatut siunnersuummik imaattumik saqqummiussipput:

Inatsisartut aalajangiiffigisassaattut siunnersuutigineqarpoq Kalaallit Nunaanni inatsisitigut atuutsitsineq peqquserlunnerup akiornissaanut Naalagaaffiit Peqatigiit isumaqatigiissutaannut ullumikkut naleqqunnersoq Naalakkersuisunit misissorneqarnissaa

Siunnersuut Inatsisinut Ataatsimiititaliamit suliarineqartussanngorlugu innersuunneqarpoq. TIG sinnerlugu naatsualunnik oqaaseqaateqarusuppunga.

Isumaqatigiissummi iliuusissat kingulianiittutut eqikkarneqarsinnaasut saqqummiunneqarput:

1. Atorfimmi peqquserlunnerup pinaveersimatinnissaa
2. Atorfimmi peqquserlunnerup pinerluutinngortinneqarnissaa inatsisitigullu atuutsitsinissaq
3. Atorfimmi peqquserlunneq akiorniarlugu nunat tamalaat suleqatigiinnerat
4. Pisuussutinit pissarsiassanik utertitsineq

Kalaallit Nunaanni inatsisit atuuttut maannakkorpiaq misissorneqarnissaat amigaatiginngikkipput isumaqarpunga. Ataatsimut aningaasaatitta atorfimmi peqquserlunnernut pissaanermillu atuinerlunnernut qanoq pitsaanerpaamik illersorsinnaaneranut ataqatigiissaakkamik ataqatigiittumillu pilersaarusiornissaq pisariaqartipparput.

Isumaqatigiissummut ilanngunnissaq siunertarisariaqarparput, aammalu ilanngunermi atuutsitsilernissamat piffissaqarnissaq ataqatigiittumik pilersaarusiorkuni suliaqarnermut iluaqutaassaaq.

Taamaattumik siunnersuut tassaasinnaavoq atorfimmi peqquserlunnerup akiorniarnissaanut Naalagaaffiit Peqatigiit isumaqatigiissutaanni kaammattuutit nassuiaatigineqartut Kalaallit Nunaannit sapinngisamik naammassineqarnissaat sulissutigeqqullugu, tassungalu ilanngullugu suliap ingerlateqqinnissaanut nuna tamakkerlugu periusissiortoqarnissaanik Naalakkersuisut peqquneqarnissaat. Tamatumalu saniatigut suliaqarfiit nunatsinnit suli tiguneqanngitsut

[Transparency International Greenland, Jens Kreutzmannip Aqq. 4A¹, 3900 Nuuk](https://www.transparency.org)
info@transparency.gl

Naalagaaffimmi oqartussat peqatigalugit ataqatigiissaarneqarnissaannik Naalakkersuisut pisussaaffilerneqassasut.

Oqaaseqaatinnut ilannguppara misissueqqissaarneq 2014-imeersoq. Isumaqatigiissutip malinneqarnissaa eqqarsaatigalugu Kalaallit Nunaanni suut unammilligassaassanersut misissueqqissaarinermi aalajangersimasumik nassuiaatigineqarput. Matuma kingulianiipput atortussanut iserfissiat assigiinngitsut, sammisap itisilerlugu misissorneqarnerani atorneqarsinnaasut.

Inatsisinut Ataatsimiititaliap peqqu pillugu siusinnerusukkut isumaliutissiisutaa: https://ina.gl/media/r0tdbuqh/pkt36_fm2023_em22_bf33_korruption_bet_2beh_da.pdf

Danskit ilanngunnissaminnut piareersaanermi

misissueqqissaarinerat: <https://www.ft.dk/samling/20051/almdel/REU/bilag/837/305582.pdf>

Danskit isumaqatigiissummik tamanut

nalunaarutiginninerat: <https://www.retsinformation.dk/eli/lrc/2007/37>

Isumaqatigiissut ataatsimut isigalugu: <https://www.unodc.org/corruption/en/uncac/learn-about-uncac.html>

Pisortatigoortumik

isumaqatigiissut: https://www.unodc.org/documents/brussels/UN_Convention_Against_Corruption.pdf

UNCAC in a nutshell: <https://uncaccoalition.org/wp-content/uploads/UNCAC-in-a-Nutshell-2021.pdf>

Isumaqatigiissutip teknikikkut

ilitersuutitaa: https://www.unodc.org/documents/treaties/UNCAC/Publications/TechnicalGuide/09-84395_Ebook.pdf



Inuk Lundblad

Siulittaasoq / Formand for bestyrelsen / Chair of the board